

Rettleiing til IKT-reglementet til Vanylven kommune

Innleiing

Denne rettleiing gjeld både for undervisningspersonale og føresette, og er meint å utdjupe IKT-reglementet for grunnskulen. Grunnlaget for reglementet er henta frå Senter for IKT i utdanninga og Uninett AS. Rettleiinga er tilpassa og gjennomarbeidd av Vanylven kommune.

Reglementet er vedteke av _____

Rettleiinga er delt opp i 7 delar som samsvarer med dei 7 kapitla i IKT-reglementet. Her blir IKT-reglementet kommentert punkt for punkt.

Lengst bak vil de finne dei fleste paragrafane det blir vist til i teksten. Einskilde paragrafar er så omfattande at dei ikkje er tekne med fullt ut. Fullstendige lov- og forskriftstekstar vil du finne på <http://www.lovdata.no>.

Det finst fleire gode nettstadar som dette reglementet byggjer på. Heilt til slutt i denne rettleiinga er det referansar til eit utval av slike nettstadar. Vi oppmodar om at desse blir brukte som supplement til rettleiinga. Vi vil også vise til den dokumentasjonen som er lagt ut på PedIT. Du vil kunne finne dokumentasjon under fellessida for **Vanylven – FEIDE – regelverk**. Portalen vil heile tida blir oppdatert med ny dokumentasjon som kan vere nyttig å ha kjennskap til.

Punktvise kommetarar til reglementet.

1. Føremål for reglementet

Føremålet med eit IKT -reglement er å setje rammer rundt elevane sin bruk av informasjons- og kommunikasjons-teknologi i og i tilknyting til skulen. Stadig aukande bruk av digitale applikasjonar i ein sosial samanheng (Facebook, Skype, Instagram, Twitter og liknande) gjer det nødvendig å auke bevisstheita omkring dei mulegheitene og utfordringar dette gjev.

- *Målgruppa for reglementet er elevar i skulen.*
Dette punktet avgrensar reglementet sitt omfang til å gjelde elevar i skulen. Tilsette vil ha sine eigne reglement.
- *Reglementet avklarar akseptabel bruk av informasjons- og kommunikasjonsteknologi for målgruppa.*
Dette punktet poengtera at det er snakk om informasjons- og kommunikasjons-teknologi. Elevar bruker IKT i stadig større grad til å kommunisere med kvarandre. Denne bruken skapar eit større behov for klargjering av regelverk både for elevar og for skulen/kommunen enn tidlegare.
- *Reglementet søker å hindre utilsikta og uønska hendingar*
Det er ikkje berre uønska (utilsikta) åferd som ein søker unngått, men også uønska hendingar som oppstår fordi elevar ikkje har kunnskap nok om eller rette haldningar til bruk av IKT.

- *Reglementet vil beskytte brukarar og tryggje den pedagogiske læringsituasjonen.*
Det er viktig at elevar, føresette og tilsette ved den einskilde skulen har ei felles forståing av IKT -bruken. Dette vil gjere det enklare å skape trygge læringsituasjoner, også når ein brukar IKT heime.
- *Reglementet skal bidra til å avgrense roller, rettar og plikter for elevar og kommunen.*
Kommunen (skulen med tilsette) og elevane har forskjellege roller i høve til reglementet. Reglementet knyt ulike rettar og plikter til dei forskjellege rollene. Reglementet ønskjer ikkje berre å fokusere på elevane sine plikter, men også på kva rettar elevane har.

2. Omfang av reglementet

Reglementet omfattar skulen/kommunen sitt IKT-utstyr. Det omfattar også nettbaserte applikasjoner som elevane vil ha tilgang til frå heimen (som til dømes læringsplattforma - PedIT). Reglementet vil også gjelde for dei sosiale aspekta ved bruk av IKT. Det er viktig at skulen har et bevisst tilhøve til bruk av privat IKT-utstyr i undervisninga.

- *Bruk av kommunen sitt IKT-utstyr som vert disponert ved skulane.*
Reglementet omfattar mellom anna IKT-utstyr som er plassert ved den einskilde skulen. Som IKT-utstyr reknar vi både datamaskinar, nettverk, skrivrarar og tilhøyrande utstyr.
- *Bruk av privat IKT-utstyr i samband med skulen og/eller via kommunen sitt nettverk.*
Dersom ein elev tek med seg ei berbar datamaskin, nettbrett eller mobiltelefon på skulen og koplar seg til Internett gjennom skolen sitt nettverk, vil ein kvar nettaktivitet falle inn under dette reglementet.
- *Bruk av programvare som kommunen har gjort tilgjengeleg.*
Reglementet gjeld for elevar som jobbar med programvare gjort tilgjengeleg via skulen sitt IKT-utstyr. Med programvare er meint operativsystem, kontorstøtte, pedagogisk programvare og liknande. Sjølv om bruken skjer heime og på privat IKT-utstyr, vil den framleis falle inn under dette reglementet.
- *Publisering av innhald på nett og kommunikasjon ved bruk av privat eller kommunen sitt IKT-utstyr.*
Innhald som blir publisert digitalt er omfatta av reglementet. Dette er uavhengig om det blir publisert gjennom kommunen sitt utstyr eller privat IKT-utstyr så lenge det har ein tydeleg tilknyting til skulen.
- *Elevar sin IKT-bruk utanom skuletid er i utgangspunktet heimen sitt ansvarsområde, men åtferd som har tydeleg tilknyting til skulen kan likevel falle inn under skulen sitt ansvarsområde.*
Reglementet understrekar at skulen *kan* gripe inn i privat bruk av IKT, og *skal* gjere det dersom forholdet går ut over einskildelevar sitt psykososiale miljø på skolen. Slike forhold kan vere mobbing, trakassering eller diskriminering ved bruk av til dømes sosiale applikasjoner som Facebook, Instagram, Twitter og liknande.

3. Eleven sine rettar

Det er viktig å framheve at alle brukarar av kommunen sitt IKT-utstyr har rettar i tillegg til plikter. Elevane har rett til å bli informert om og opplærde i gjeldande IKT-reglement, men når eleven fyller 14 år pliktar han/ho også å setje seg inn i den informasjonen/opplæringa som blir gitt. Eleven har rett til at kommunen forvaltar alle personopplysningar om han/henne på ein forsvarleg måte slik at personvernrettane blir tekne i vare.

- *Eleven har rett til opplæring i bruk av IKT for å kunne oppnå krava om IKT-kompetanse i høve læreplanen.*
Kunnskapsløftet tek med grunnleggande digitale ferdigheiter i sine mål. Elevane må då også ha rett til opplæring i digitale ferdigheiter på lik linje med opplæring i lesing, skriving og rekning.
- *Eleven har rett på tilgang til velfungerande IKT-utstyr i undervisninga.*
Kunnskapsløftet fastset digitale ferdigheiter til ein femte duguik på lik linje med lesing, skriving, rekning og å kunne uttrykkje seg munnleg. For å få til dette er det ein føresetnad at kommunen/skulen har velfungerande IKT-utstyr. Det er også ein føresetnad at elevane har tilgang til IKT-utstyret.
- *Alle elevar har rett på lik tilgang til IKT-utstyr i høve gjennomføring av digital eksamen og nasjonale prøver.*
Elevane i kommunen/skulen har rett til lik tilgang til IKT-utstyr slik at tilhøva rundt gjennomføring av til dømes digital eksamen og nasjonale prøver skal vere mest muleg likt, og i alle fall ikkje avgjerande for resultata på prøvene.
- *Eleven har rett til å bli informert om innhaldet i IKT-reglementet av skulen.*
Den einskilde skule har ansvar for at alle elevane er kjende med IKT-reglementet. Sjølv om eleven har fylt 14 år og har plikt til å setje seg inn i reglementet, har skulen likevel ansvar for å informere om reglementet.
- *Kommunen kan berre utlevere opplysningar om ein einskild elev eller data som tilhøyrer ein elev der dette går fram av inngått samtykke, vedtekne reglementer eller følgjer av lovgjevinga elles.*
Personinformasjon skal ikkje komme på avvegar, og kommunen og skulen skal ha eit godt system for å ta i vare einskildelevar sine persondata. Kommunen kan ikkje innføre reglar som er i strid med lovgjevinga, og føresette/elevar kan ikkje gje samtykke til handtering av personopplysningar som er i strid med norsk lov.
- *Eleven har rett til å få med seg private data som skulen ikkje lenger har høve til å ta vare på.*
Med private data er meint til dømes arbeid eleven har gjort og lagra i ei læringsplattform. Det er eleven sjølv som må laste ned data. Skulen/kommunen bør oppbevare slike data i minst tre månader etter at eleven sluttar ved skulen. Skulen/skuleeigar har, i høve til personopplysningslova, plikt til å slette private data (skulearbeid) når karakter i faget er satt, eller når skuleåret er avslutta. Då vil skulen (til vanleg) ikkje ha behov for slike data, og difor skal dei slettes. Et unntak frå dette kan vere om eleven har ei digital mappe (portefølje) som skal følgje eleven i skulesystemet.

- Alle personopplysningars som skulen ikkje lenger har bruk for vil verte sletta, så sant ikkje skulen er lovpålagt å oppbevare opplysningane.

Det er ikkje berre når ein elev sluttar ved skulen som er avgjerande for eventuell sletting av private data, men at skulen ikkje lenger treng opplysningane (ved at formålet med bruken av dei, til dømes å setje karakterar, er oppfylt). Det vil også finnast personopplysningar/data som skulen vil ha behov for å ta vare på fram til eleven sluttar ved skulen, til dømes opplysningar som vert brukt til administrative eller pedagogiske føremål. Så framt det ikkje føl av anna lovgjeving, skal slike personopplysningar/data slettast når eleven sluttar ved skulen.

4. Elevane sine plikter

Stadig aukande bruk av digital kommunikasjon har ført til at det sosiale aspektet rundt bruk av IKT-utstyr har blitt viktigare. Digital danning er eit omgrep som vi godt kan innføre. Det gjeld å opptre ”riktig” også når ein brukar Internett som kommunikasjonskanal. Barna har ofte inntrykk av at dei er anonyme når dei brukar Internett, men dette er ikkje tilfelle. Barna må difor vere svært forsiktige med å gje opp personopplysningar på nettet. Aktivitet på Internett set spor, og deling/spreiing av bilde og anna materiale kan i mange tilfelle vere vanskeleg/umuleg å fjerne. Å mobbe nokon over Internett er på ingen måte mindre alvorleg enn å gjere det i kvar dagen elles.

- *Elevar pliktar å følgje skulen sine pålegg og instruksar om bruk av IKT-utstyr.*
Kvar skule kan ha eigne instruksar om bruk av IKT-utstyr. Disse skal følgjast så lenge dei ikkje er i konflikt med IKT-reglementet eller lovgjevinga.
- *Elevar på ungdomstrinnet pliktar å setje seg inn i den informasjonen som skulen gjev om reglar og vilkår for bruk av IKT-utstyr.*
Elevar som har fylt 14 år har i større grad enn yngre elevar eit sjølvstendig ansvar for å setje seg inn i kommunen sitt IKT-reglement.
- *IKT-utstyret som er plassert ved den einskilde skule skal handterast fint.*
Alle elevar disponerer IKT-utstyr som ikkje er deira eige. Utstyret bør behandlast på ein slik måte at det ikkje er forringa etter bruk.
- *IKT-utstyr som vert nytta i skuletida skal berre brukast til skulerelaterte oppgåver.*
Her må skulen/læraren definere kva som er skulerelaterte oppgåver. Nokre lærarar ønskjer kanskje å bruke mobiltelefonar i avgrensa delar av undervisninga. Hovudpoenget er at elevar ikkje skal bruke IKT-utstyret utan at det er gjort avtale med lærar.
- *I skuletida skal privat IKT-utstyr, som mobiltelefonar, berbare datamaskiner og liknande, berre brukast etter avtale med skulen.*
Elevane skal ha eit aktivt forhold til bruk av eige IKT-utstyr på skulen. Det er difor viktig at elevane skal gjere særskilte avtalar med skulen/lærarane dersom dei ønskjer å bruke eige IKT-utstyr. Dette gjeld både fordi slikt utstyr ikkje skal forstyrre undervisninga, og fordi slik bruk kan føre til større risiko for spreiing av uønskt programvare (virus og liknande) på dei einskilde skulane.
 - *Chat, spel, privat e-post, streaming av film/serier eller generell surfing skal berre skje etter avtale med skulen.*
Desse momenta som er lista opp kan forstyrre ordinær undervisning. Difor er det viktig at det er inngått avtale om dette mellom undervisningspersonalet og elevar.

- *Publisering av innhald på nett og kommunikasjon gjennom kommunen sitt IKT-utstyr skal på ingen måte innehalde tekst, bilde, lyd eller video som er av støytande art, eller som hengjer ut einskildpersonar eller grupper.*
Mobbing og trakkassering ved bruk av IKT-utstyr skal ikkje førekome. I verste fall kan slike forhold vere straffbare (sjå straffelova, §§ 246-247).
- *Digital mobbing skal ikkje førekome uavhengig om det skjer gjennom eige eller kommunen sitt IKT-utstyr.*
Vi skal behandle andre personar med respekt. Mobbing digitalt er ikkje mindre ille enn mobbing i klasserommet/skulegarden.
- *Brukarnamn og passord skal haldast hemmeleg og skal berre brukast av den aktuelle eleven.*
Elevar skal ikkje dele brukarnamn og passord med nokon. Dersom brukarnamn og passord vert spreidde risikerer den einskilde brukar å bli fråstolen informasjon og/eller at andre tek deira identitet. Ein skal ikkje under nokon omstende spreie andre sine brukarnamn og passord.
- *Elevar skal ikkje installere eiga programvare på kommunen sitt IKT-utstyr.*
Datamaskiner som ein disponerer ved skulene skal haldast vedlike. Dersom elevane installerer eiga programvare kan dette føre til at IKT-utstyret ikkje fungerar som det skal.
- *Installasjon av programvare på PC-ane som gjer at utedkomande får tilgang til kommunen sitt nettverk skal ikkje førekome.*
Det er muleg å installere programvare som gjer det enklare for utanforståande å få tilgang til kommunen sitt nettverk. Slik programvare kan vere ein trussel for sikkerheita for kommunen.
- *Elevane plikter å gjere så godt dei kan for ikkje å bringe virus eller anna øydeleggjande programvare inn i kommunen sitt IKT-utstyr.*
Det går sjølv sagt aldri an å sikre seg 100% mot at det blir innført virus og anna øydeleggjande programvare i kommunen sitt nettverk. Teknologirådet har ei internettseite som gjev råd i samband med dette (sjå under referansar).
- *Eleven pliktar å bruke godt nettvert når han/ho brukar kommunen sitt IKT-utstyr.*
Det finst mange nettsider som beskriv kva godt nettvert er. Eit av dei viktigaste punkta er at elevar blir oppfordra til ikkje å oppføre seg annleis på Internett enn i det virkelege liv. Kvar gruppe/kvart trinn bør lage sine eigne nettvertsregler.
- *Eleven pliktar å undersøkje og respektere opphavsretten til materiale som tekst, bilde, musikk, film eller lyd som blir lagt ut på heimesider, fellesområde og bloggar.*
Når elevar søker etter tekst, musikk, film eller lyd på Internett for å finne materiale til presentasjonar, heimesider eller bloggar, er det viktig at det blir undersøkt om dei har rett til å bruke dette materialet. Det er viktig at skulen har eit bevisst forhold til bruk av opphavsverna materiale i undervisninga. Elevane (og ikkje kontaktlærar eller skulen) har opphavsrett til åndsverk som dei produserer i skulesamanheng - skriftlege skulearbeid, multimediepresentasjonar, munnlege presentasjonar, osv.

- *Eleven må få samtykke frå medelevar/føresett til å legge ut bilde, lyd og video av dei.*
Elevar kan ikkje utan vidare leggje ut bilde, lyd eller video av andre elevar utan samtykke. Eit samtykke kan godt være munnleg. Ein elev har samtykkekompetanse frå fylte 15 år; før dette må føresette samtykke på vegne av eleven.
- *Elevar pliktar å varsle skulen ved mistanke om at andre bryt reglementet.*
Elevar skal ikkje teie om reglementsbroten. Kvar einskild skule bør legge vekt på å skape ein kultur der det ikkje blir oppfatta som sladring å seie frå om brot på reglement og instruksar.

5. Inngrep og sanksjoner

Eit kvart brot på reglementet bør følgjast opp av kommunen eller skulen slik at dette ikkje blir et ”sovande” reglement. Dersom reglementet ligg ubrukt over ein periode vil reglementet misse autoritet.

- *Brot på IKT-reglementet kan føre til sanksjoner frå skulen/kommunen.*
Eit kvart brot på IKT-reglementet bør følgjast opp av lærar/skule. Dette kan til dømes vere å kontakte heimen. Ved grove eller gjentekne brot må skulen følgje opp med sanksjonar som skissert i kommunen sitt generelle ordensreglement.
- *Skulen har eit ansvar for å gripe inn overfor elevar som mobbar eller trakasserer lærarar eller andre elevar.*
Dette er ikkje et IKT-spesifikt punkt, men er teke med for å poengtere at det ikkje er eit skilje mellom digital mobbing og ”vanleg” mobbing. Opplæringslova, § 9a-3 handlar om eleven sitt psykososiale miljø og fastset at dersom lærar eller skule har mistanke om mobbing, diskriminering eller rasisme, skal det gripast inn. Ved digital mobbing kan læraren gjere føresatt merksame på problemet og be om eit samarbeid for å få slutt på forholdet.
- *Bruk av skulen sitt IKT-utstyr som strid mot norsk lov kan bli meldt.*
Dersom ein elev bryt norsk lov ved bruk av skulen sitt IKT-utstyr, kan og bør skulen melde forholdet.
- *PC-ar som blir brukte under eksamen kan bli kontrollerte før og etter avvikla eksamen for å avdekke forsøk på juks.*
Med større vekt på digitale prøver vil forsøk på juks kunne endre seg frå jukselappar til dokument skjult på datamaskinen. I tillegg bør det vere muleg å etterprøve mistanke om juks i etterkant av eksamen.
- *Elevar som mobbar, diskriminerer eller trakasserer andre ved bruk av kommunen sitt IKT-utstyr kan bli utesengt frå all IKT-bruk i ein periode fastsett av skulen. Særskilt alvorlege tilfelle kan bli meldt.*
Utestenging frå IKT-bruk kan berre nyttast når regelbrotet er alvorleg (etter opplæringslova §§ 2-10 og 3-8). Det vil seie at mobbing, diskriminering og trakassing må bestå i noko meir enn tilfeldige enkeltkommentarar. Det er *berre* rektor som kan fatte vedtak om utesenging, og det må fattast et enkeltvedtak etter forvaltingslova § 2. Skulen kan ikkje sjølv melde et forhold der ein elev bryt straffelova §§ 246-247 (ærekrenking), men bør legge til rette for at slike alvorlege forhold blir melde av den som blir fornerma.

- *Elevar som gjer skade på kommunen sitt IKT-utstyr kan bli haldne erstatningsansvarlege.*
Ved bevisst skadeverk vil skulen kunne føre eit erstatningskrav overfor brukaren, jf. skadeerstatningslova § 1-1 og § 1-2 (for personar under 18 år). I utgangspunktet skal eleven sjølv betale skadeverket (med omsyn til eleven si utvikling, utvist åtferd, økonomisk evne og forholda elles). § 1-2 seier at skulen/kommune også kan krevje erstatning på inntil 5000 kr. av foreldra.
- *All datatrafikk ved den einskilde skule kan bli logga.*
Sjølv om datatrafikken ved ein skule blir logga kan ikkje loggen undersøkast når som helst og av kven som helst. Det skal vere sterke mistankar om ulovleg bruk, og det er berre politi som har mulegheit til å gå inn og analysere ein slik logg.
- *Brot på IKT-reglementet kan også føre til sanksjonar i høve til skulen sitt generelle ordensreglement.*
IKT-reglementet er underordna kommunen sitt ordensreglement i høve til opplæringslova § 2-9.

6. Ansvarsfråskriving

- *Kommunen er ikke ansvarleg for tap av data eller skade på IKT-utstyr som skuldast forhold utanfor kommunen sin kontroll.*
Kommunen kan ikkje ta på seg ansvar for privat IKT-utstyr som er teke med på skulen utan avtale. Skade på til dømes mobiltelefonar som er tekne med på skulen utan avtale med lærar vil heller ikkje kommunen kunne ta ansvar for. For i størst muleg grad å hindre spreieing av virus og øydeleggande programvare skal bruk av til dømes minnepinnar avtalast med læraren.

7. Underskrift

IKT -reglementet er ei forskrift i samsvar med opplæringslova § 2-9. Det betyr at sjølv om føresette/elevar ikkje skriv under dette reglementet vil det likevel gjelde for dei.
Underskrifta er først og fremst et virkemiddel for å få føresette og elevar til å lese og tenkje gjennom innhaldet i reglementet.

Lover og forskrifter Som legg føringar for IKT -reglementet i Vanylven kommune

Her finn de oppsummering og utskrift av nokre av dei viktigaste lovene og forskriftene som er viktige for IKT -reglementet. Oppdaterte lover vil de til kvar tid finne på:

<http://www.lovdata.no>

Utsnitt av spesielt aktuelle lover

Opplæringslova

§ 2-9. Ordensreglement og liknande

Kommunen skal gi forskrifter om ordensreglement for den enkelte grunnskolen. Reglementet skal gi reglar om rettane og pliktene til elevane så langt dei ikkje er fastsette i lov eller på annan måte. Reglementet skal innehalde reglar om åtferd, reglar om kva tiltak som skal kunne brukast mot elevar som bryt reglementet og reglar om framgangsmåten når slike saker skal behandlast.

Ordensreglementet skal gjerast kjent for elevane og foreldra. Kravet i § 38 første ledet bokstav c i forvaltningslova om kunngjering i Norsk Lovtidend gjeld ikkje.

Fysisk refsing eller anna krenkjande behandling må ikkje nyttast.

Før det blir teke avgjerd om refsing, blant anna om bortvising, skal eleven ha høve til å forklare seg munnleg for den som skal ta avgjerdta.

§ 2-10. Bortvising

Kommunen kan fastsetje i ordensreglementet at elevar på årstrinna 8-10 som alvorleg eller fleire gonger bryt reglementet, kan visast bort frå undervisninga i inntil tre dagar, og at elevar på årstrinna 1-7 kan visast bort frå undervisninga for enkelttimar eller for resten av dagen.

Rektor sjølv vedtek bortvising etter å ha rådført seg med lærarane til eleven. Før det blir gjort vedtak, skal ein ha vurdert å bruke andre hjelpe- eller refsingstiltak. Foreldra til elevar på årstrinna 1-7 skal varslast før det blir sett i verk bortvising for resten av dagen.

§ 9a-3. Det psykososiale miljøet

Skolen skal aktivt og systematisk arbeide for å fremje eit godt psykososialt miljø, der den enkelte eleven kan oppleve tryggleik og sosialt tilhør.

Dersom nokon som er tilsett ved skolen, får kunnskap eller mistanke om at ein elev blir utsett for krenkjande ord eller handlingar som mobbing, diskriminering, vald eller rasisme, skal vedkommande snarast undersøkje saka og varsle skoleleiinga, og dersom det er nødvendig og mogleg, sjølv gripe direkte inn.

Dersom ein elev eller forelder ber om tiltak som vedkjem det psykososiale miljøet, deriblant tiltak mot krenkjande åtferd som mobbing, diskriminering, vald eller rasisme, skal skolen snarast mogleg behandle saka etter reglane om enkeltvedtak i forvaltningslova. Om skolen ikkje innan rimeleg tid har teke stilling til saka, vil det likevel kunne klagast etter føresegnene i forvaltningslova som om det var gjort enkeltvedtak.

Skadeerstatningslova

(Originalversjon av lovtekst)

§ 1-1. Barns ansvar

Barn og ungdom under 18 år plikter å erstatte skade som de volder forsettlig eller uaktsomt, for så vidt det finnes rimelig under hensyn til alder, utvikling, utvist adferd, økonomisk evne og forholdene ellers.

§ 1-2. Foreldres ansvar

1. Foreldre plikter å erstatte skade voldt av barn og ungdom under 18 år, såfremt de har latt det mangle på tilbørlig tilsyn eller på annen måte ikke har gjort det som etter forholdene er rimelig å kreve av dem for å hindre skadeforvoldelse.

2. Uansett egen skyld svarer foreldre for skade voldt forsettlig eller uaktsomt av deres barn under 18 år som de bor sammen med og har omsorgen for, med inntil 5.000 kroner for hver enkelt skadefordeling.

Straffelova

§ 246. Den som rettsstridig ved ord eller handling krenker en annens æresfølelse eller som medvirker dertil, straffes med bøter eller med fengsel inntil 6 måneder.

§ 247. Den som i ord eller handling opptrer på en måte som er egnet til å skade en annens gode navn og rykte eller til å utsette ham for hat, ringeakt eller tap av den for hans stilling eller næring fornødne tillit, eller som medvirker dertil, straffes med bøter eller med fengsel inntil 1 år. Et ærekrenkelsen forøvet i trykt skrift eller i kringkastingssending eller ellers under særdeles skjerpende omstendigheter, kan fengsel inntil 2 år anvendes.

Åndsverklova

Åndsverklova § 1 (redigert): Åndsverk forståes som litterære, vitenskapelige eller kunstneriske verk av enhver art og uansett uttrykksmåte og uttrykksform (så som skrifter av alle slag, muntlige foredrag, scenerverk, musikkverk, filmverk, fotografiske verk, malerier, tegninger, grafikk, skulptur av alle slag, bygningskunst, billedvev og gjenstander av kunsthåndverk og kunstindustri, kart, datamaskinprogrammer og oversettelser/bearbeidelser av verk som er nevnt foran).

Fullstendig lovtekst finnes på <http://www.lovdata.no>

Åndsverklova § 2 (redigert): Opphavsretten gir (innen de grenser som er angitt i loven), enerett til å råde over åndsverket ved å fremstille varig eller midlertidig eksemplar av det og ved å gjøre det tilgjengelig for almenheten, i opprinnelig eller endret skikkelse, i oversettelse eller bearbeidelse, i annen litteratur- eller kunstart eller i annen teknikk.

Fullstendig lovtekst finnes på <http://www.lovdata.no>

Åndsverklova § 4 (redigert): *Opphavsmannen kan ikke sette seg imot at andre benytter hans åndsverk på en slik måte at nye og selvstendige verk oppstår (for eksempel et skolearbeid). Opphavsretten til det nye og selvstendige verk er ikke avhengig av opphavsretten til det verk som er benyttet.*

Fullstendig lovtekst finn ein på <http://www.lovdata.no>

Kommentarar til lovverket

Opplæringsloven §§ 2-10: Alvorlige brot på reglene i IKT -reglementet (til dømes digital mobbing, diskriminering eller trakassering) kan gi grunnlag for "tap av rettar" (til dømes utestenging frå bruk av kommunen sitt IKT -utstyr) eller bortvisning frå skolen for ein nærare oppgjeven periode. Rektor må fatte vedtaket og det kan ikkje delegerast til andre ved skolen.

Lovtekst finnes på <http://www.lovdata.no>, samt gjengjeve tidlegare i rettleiinga

Forvaltningslova § 2 og kapittel III-VI: Fastsetting av et IKT -reglement for skulane i Vanylven, er å sjå på som ei forskrift. Dei institusjonane eller organisasjonane reglementet vedkjem skal gjevast høve til å uttale seg før reglementet blir vedteke, endra eller oppheva. Alvorlege sanksjonar ved brot på IKT -reglementet (utestenging frå all bruk av kommunen sitt IKT -utstyr for ein periode fastsett av skulen) er eit enkeltvedtak, og må følgje sakshandsamingsreglane i lova. Ved mindre alvorlege sanksjonar har eleven/studenten eller den tilsette rett til å uttale seg før sanksjonar blir sette i verk.

Lovtekst på: <http://www.lovdata.no>

Skadeerstatningslova §§ 1-1 og 1-2: Barn og ungdom under 18 år kan bli gjort erstatningsansvarlege for skade dei påfører skolen sitt IKT -utstyr, og foreldre/føresette kan bli erstatningsansvarlege for eit beløp inntil 5000 kroner for skade som barn/ungdom under 18 år påfører skolen sitt IKT -utstyr.

Lovtekst på: <http://www.lovdata.no>, samt gjengjeve tidlegare i rettleiinga.

Personopplysningslova § 2: All innsamling og bruk av opplysningar om elevar/studentar og tilsette som skjer i samband med bruken av IKT -reglementet, er å sjå på som personopplysningar. Kommunen må difor etablere eit system for å ta i vare sine pliktar etter lova, spesielt pliktene som gjeld internkontroll (jf. personopplysningslova § 14 og personopplysningsforskrifta kapittel 3) og informasjonstryggleik (jf. personopplysningsloven § 13 og personopplysningsforskrifta kapittel 2).

Lovtekst og forskrifter på: <http://www.lovdata.no>

Personopplysningsforskrifta § 7-11: All datatrafikk ved skulen kan overvakast dersom føremålet er å administrere IKT -systemet eller å avdekke/oppdage brot på sikkerheita. Denne informasjonen kan ikkje seinare brukast til å kontrollere eller overvake den einskilde elev/student eller tilsette.

Forskrift på: <http://www.lovdata.no>

Personopplysningsforskrifta kapittel 9: Skulen kan under visse vilkår få innsyn i elevane sine og dei tilsette sine e-postkassar, til dømes når det er nødvendig for å ivareta den daglege drifta. Skulen kan også få innsyn ved grunngjeven mistanke om at e-postkassen blir brukt til å utføre grove brot på plikter som føl av arbeidsforholdet, mellom anna mistanke om alvorlege brot på punkt i IKT -reglementet.

Prosedyrane for innsyn i e-postkasse føl av reglane i forskrifta § 9-3.

Forskrift på: <http://www.lovdata.no>

Straffelova §§ 246-247: Skulen kan ikkje melde elevar for ærekrenking, men kan oppmøde einskildpersonar til å melde ved grove tilfelle.

Lovtekst finnes på: <http://www.lovdata.no>, samt gjengjeve tidlegare i rettleiinga

Referansar:

Døme på sider som tar for seg godt nettvett:

<http://www.nettvett.no>

<http://www.dubestemmer.no>

<http://www.tryggbruk.no>

<http://skolenettet.no/lov>

Alle lover og forskrifter finn ein (oppdatert) på <http://www.lovdata.no>

Anna nyttig informasjon finn du også på <http://www.datatilsynet.no>